庫全書

子部

歌定四庫全書 武編後集卷二

子部

詳校官中書臣丁崇祚

編修臣倉聖脈覆勘 總校官知縣臣

校對官中書臣 腾绿監生 徐步青

楊懋珩

ī 人冠掠楚單 人為河 牙兵士卒不顧出鄉至中路潰散不敢歸 人未至聞之即疾馳赴鎮潰卒亦已至城 節度使時鳥重将移鎮滄景以河陽 出迎諭以逆順咸令兵士弛弓釋 明 唐順之 撰 鋭

飯定四庫全書 聲言徐道覆已克建業而桓謙自長安入蜀熊縱以謙 等赴援朝廷至潯陽為循黨省林所破林乗勝代江陵 東晉盧循冠建業劉道規為荆州刺史遣將軍檀道濟 光武不省會諸將畢焼之曰令反側子自安 後漢誅王郎收文書得吏人與郎交關謗毀者數千 五代李茂真為鳳翔節度性至寬有部將行昭者人或告其 甲用之為先驅以歸仍斬其首惡衆遂定 **誹變沒真親至其家去爪牙熟寝經宿而還上下遂服之** 移身

荀林初謙至枝江江陵士庶皆與謙書言城內空實道 東咸感悦乃使宗之居守委以心腹率諸将破斬謙及 宗之自襄陽来赴或謂宗之未可測道規乃單車迎之 義舊並懷異心道,規乃會將士戒之曰桓謙今在近畿 為荆州刺史與其大將熊道福俱冠江陵荆楚既桓氏 不禁因夜開城門眾咸憚服莫有去者時雅州剌史魯 聞諸君頗有去就之計吾東來文武足以濟事欲去者 7 ... / ... 皆焚燒聚乃大安江漢士庶感其焚書之恩無二 武編後集

志 多定匹庫全書 大開城門名軍人謂之曰如聞天子敗績不知凶吉諸 宋元敝中桂陽王休範舉兵於潯陽朝廷惶駭前道成與褚 異圖可来見殺必恐陷沒者亦任出城如有忠誠能與 東魏降卒趙青雀據長安城所在莫有固志嚴聞之乃 西魏王熊守華州時西魏師與東魏師戰於河橋不利 王羆同心者可共固守軍人見其誠信皆無異志 祖驚咸有異志王羆受恩於此以死報恩諸人若有 卷: とこう う 寧 朔將軍高道慶等浮舸與賊水戰大破之斬休範首 色曰贼今已近梁山豈可得至新亭既是兵衛所欲以 淵等集中書省議莫有言者蕭道成曰告上流謀逆皆 至道成方解衣高臥以安衆心乃索白虎幡登西垣使 死報國耳乃單車白服至新亭築城壘未畢賊前軍已 屯新亭以當其鋒因索筆下議餘皆注同中書舎人孫 因淹緩以敗休範必遠懲前失輕兵急下來我無備請 千龄與休範有密契獨曰宜依舊遣軍據梁山道成正 1.12.12 武編後集

城北謂日劉休範父子皆已死戮屍在南岡下觀汝等 名皆已焚除勿懼也臺中遣衆軍擊平賊黨道成振旅 時休範典籤許公與詐稱休範在新亭士無惶惑詣壘 凱入百姓綠道聚觀日全國家者此人也 軍主陳顯達等從石頭濟淮間道自承明門入衛宫闕 新亭亦陷太后執着梧王手泣曰天下事敗矣道成遣 餘贼進至杜姥宅車騎典籤茅恬開東府納賊宫內傳 期赴休範投名者千數及至乃是道成隨得極烧之登

劉廷匹庫全書

怎二

進謀遂殺侃以通判趙子節權州事至是世隆與其弟 曹瑋知渭州有告戍卒十餘人叛入夏國者瑋方對客 兵民兵甚衆禁軍恐其勢盛將校郭進乃作亂世隆與 趙世隆本磁州書佐宗澤在磁以為中軍將澤旣去以 奕棋不應軍吏亟白之瑋怒叱之曰吾固遣之去汝再 州事付兵馬鈴轄李侃金人圍磁州急州有禁軍有民 一顯言也夏人即斬叛者投其首境上 7 定亂 代局发表

攻之斬首數百得州以歸宗澤復厚賜之時有降愚趙 澤徐語世與曰汝兄犯法當誅汝能奮志立功足以雪 世與將三千人歸澤將士頗疑之澤曰世隆吾一校耳 引出斬之時象兵露刃於庭世與佩刀侍側左右皆懼 澤笑曰河北陷沒而吾宋法令上下之分亦陷沒邪命 必無他有所訴也乙卯世隆入拜澤面話之世隆辭服 為我取滑州世與忻然受命世與至滑州掩敵不備急 恥世與感泣會滑州報金兵 萬屯城下澤謂世與曰試 卷二十十

鼓定匹庫全書

海者屯板橋輒塹路以阻行者管軍間掠芻者八人 餘皆山東游手之人先進來降屯城北二人氣不相下 於市間者股慄統制官楊進屯城南王善者有衆二千 統諭之曰為國之心固如是耶當戰陣立功時勝負自 士甚東姑徐之澤笑謂其次將曰領衆還營明日誅海 自衛而入澤方對客海具伏即械之繫之獄客曰彼甲 其壘海怒而臠之覘事者以告澤召之海以甲士五百 日各率所部千餘相拒於天津橋都人頗恐澤以片 7 打病炎 ð.

釞定匹庫全書 朝廷雖知其不法在遠不能詰也大帥處分少不赚其 苦之且悉斂部將体馬以自入將戰乃高其估賣與之 等毒虐非 受節度所至却掠每得富家交其加頭四面然箕謂之 見二人相視慙沮而退 墓蝕月以弓弦繁鼻下高懸於格謂之錯繁喉縛人兩 初利州都統王變素殘悍號王夜义恃功驕怨桀驁不 股以木交壓謂之乾榨油以至用醋灌鼻惡水灌耳口 以脇取金帛稍不遂意即死其手蜀人患 Į, **灰**点 引 引 ここうし ハニラ 其握重兵居外恐輕動危蜀謀於親將楊成成曰變在 恐驚從人耳項之班聲如雷江水為沸聲止圓陣即合 此殊不稱所望夔對曰夔兵非不精所以不敢即見者 兵迎謁緩贏弱二百人玠曰久聞都統兵精令疲散若 有差變退謂人曰儒者中迺有此人玠久欲誅夔獨忠 輕亂行者舟中 守戰掉失色而玠自若也徐命吏班賞 意則百計撓之使不得有所為余玠至嘉定變的所部 旗幟精明器械森然沙上之人彌望若林立無一人敢 武編後集

有職之逆心恃豨究之勇敢慢法度縱兵殘民奴視同 之四世恩威益張根本益固蜀人知有吳氏而不知朝 固弗若也夫吳氏當中與危難之時能百戰以保蜀傳 衆未發耳成曰侍郎以變在蜀久有威名孰與吳氏變 視侍郎為文臣必不肯甘心從令令縱弗誅養成其勢 蜀久所部精兵前時大帥變皆勢出其右意不止此也 一旦職為畔逆誅之如取孤豚况變無吳氏之功而 一舉足西蜀危矣玠曰我欲誅之久矣獨患其黨與

多分四角全書

Les Diet Killing 漢景帝時吳楚反周亞夫將兵擊之吳楚色糧欲退數 其所與為惡者數人稍稍以法誅之故文 為楊成以的指璧晓之遂相率拜賀獎至斬之成因祭 總離營而新將已單騎入矣將士皆 愕胎相顧不知所 取之難矣玠意遂決夜召變計事潛以成代領其家變 列非有吳氏得人之固也今誅之一夫力耳待其發而 武編後集

驚亂起火一軍盡擾遼謂左右勿動是不一營盡反必 挑戰不出夜軍中驚內相攻擊擾亂至於帳下亞夫堅 宋安守忠知惟州方與春佐宴飲有軍校謀變襄甲及 臥不起頃之復定 有造變者欲以動亂聚人耳乃令軍中其不反者安坐 魏將張遼以荆州未定屯長社臨發軍中有謀反者夜 /親將兵數十人中陣而立有頃即定得首謀者並殺

次已可事在時 亂不能作告者復曰今夜將焚草場期致火者同作 候嚴警鼓為約矣秀實乃召鼓人佯怒失節且戒曰每 刀斧将王重之因人心動搖導以為亂或告其事且曰 其士衆喾自四鎮北庭赴難中原居僑驟移頗為勞怨 唐大歷中城涇州段秀實為蜸後馬璘奉詔徙鎮涇州 狂耳即時擒獲人頗服其量 更籌策盡必來報每更輕延數刻四更畢而晓既差互 閣吏狼狽入白守忠言笑自若徐顧坐客曰此輩酒 武編後集

驚遠道遂誅正軍城安 金人口吃人 宋師平成都綿州都校全師雄謀叛賊約以三鼓攻城 鼓課斬風以逐湖有告者湖縮夜漏數刻以差其期賊 裨將曹翰謀知之戒掌漏者但擊二鼓賊衆不集至明 居外營請入救火不許明日斬之 秀實嚴警備夜半火發令於軍中曰救火者斬之童之 ·納為河中少尹有悍將凌正者橫暴擾軍政約至夜

費曰賊來夜奄至此烏合之衆以華枝相達擊必無固 又小刀面 1.11 上官進爛聚士卒三千餘聚劫村民數萬人夜攻州城 宋太祖朝剑外初平馬瓚知梓州視事緩數日偽軍校 東四百潛過淮因天陰閣夜率百許人縁廣陵城得入 密語左右曰賊来暗得入掩我不備但打五更賊懼晓 **叫吳直上廳事被驚起出門将處分賊射之傷却入祗** 宋檀祇為廣陵相亡命司馬國璠兄弟自北徐州界聚 必逸賊聞鼓鳴將謂曉於是奔散追討盡獲之 武编後集

賊約三鼓復來攻翰戒知更使緩向晨猶二鼓賊聚不 籌未夜分擊五鼓賊悉過去因縱兵追之擒上官進斬 與留後上官說不善謀反以城降蔡賊事洩昌裔密計 集而溃因而破之 於市招誘餘黨得千餘人並叔其罪令復業郡境以安 志正可持重以鎮之侍旦自潰矣衆巡城密令促其更 銀冠四母全書 軍校日翰殺武懷節據嘉州叛曹翰及諸將奪其城誤 **唐曲環鎮許州劉昌裔為營田副使有兵馬使安國寧**

を記りしたない 太平關遇賊數千人時所將兵少左右皆懼高祖謂之 應募赴之時魏北涓太守宋帶劍謀叛儼乃的騎出其 恐不知所為便出迎儼即執之一部遂定 持練者悉斬之無一人得脫 唐高祖為山西河東道撫慰大使率兵以禦羣盜行至 東魏西荆為梁將曹義宗所圍東魏召人赴救慕客儼 不意直指城下語云大軍已到太守何不出迎帶劍惶 斬之即召其麾下千餘人人賞練二疋伏兵要諸卷令 9 武編後集

赤心置人腹中安得不投死平由是皆服 答勒兵乃自乘輕騎案行部陣降者皆相語曰蕭王推 後漢更始初光武為蕭王定河北諸賊銅馬餘衆降封 其渠帥為列侯降者猶不自安光武知其意勅令各歸 皆靡衆情始定併力奮擊遂大破之 食为四月分言 曰此鳥合之衆易與耳因率精騎十二人出擊之所向 撫降 郡贼柴保昌等有聚八萬煬帝令户部尚書樊子 Ú

12 1 10 10 / 1 Jul 唇淮西既平裴度為節度招撫使蔡人大悦舊令途無 蓝擊之子蓋深溝高壘不敢决戰有來歸首者不問名 以政令嚴酷懼死為盗耳前後首者皆為子盖所殺窮 相率歸前後至者數萬人餘賊散走他郡 之人人自安願劾死力其黨相謂曰我輩本無逆心徒 少必坑之由是莫敢降賊徒日盛連年不能克煬帝乃 無所歸令唐公與人無隔思意如此我輩知不死矣遂 令唐高祖代之贼有來降者皆引致左右推赤心以待 武編後集

負斧鎖於軍門拿傅步詣行在所勒兵入據其城树十 多定四年全書 後漢初河南城張步據齊地漢将耿弇討敗之步內袒 受命為帥元惡就擒蔡人即吾人也父老無不感泣 偶語夜不然燭人或以酒食相過從者以軍法論度乃 為反側之徒其心未安不可自去其備度笑而答曰吾 約法惟盜關殺外餘盡除之其往來者不復以晝夜為 限蔡之遺黎始知有生人之樂度以蔡卒為牙兵或以 郡旗時步求尚十餘萬輜重七十餘兩弇令降軍各

服其處分機速 便安置咸得其宜擢其渠帥量才授用親附咸安時 数十萬衆一時散盡待出百里之外乃始分道押領隨 從所樂親屬相隨任所居止於是羣情喜悅兵即四散 1次 *郡*3 後魏末河北賊葛榮為魏將爾朱榮所擒餘東悉降榮 以賊徒既聚若即分割恐其疑懼或更結聚乃下令各 山獠作逆以衞玄為資州刺史以鎮撫之玄旣到官 7 (語旗下皆罷遣軍人令歸鄉里齊地悉平 代 局 矣 表 <u>+</u>

`

茶道其首来說諸奴賊兵迎義軍行恭又率五百人皆 渠帥感悦解兵歸服者十萬餘 負米麥持牛酒自指賊管奴帥長揖行恭呼斬之謂其 附之原州奴賊數萬人圍扶風郡太守實碰堅守經數 街天子詔安養汝等母驚諸賊莫敢動於是説以利害 時獠攻圍太平鎮玄單騎造其營謂羣獠曰我是刺史 月賊中食盡野無所掠衆多離散投行卷者千餘騎行 唐將丘行恭大業未聚兵有衆二萬保固郡城百姓多 本部行

鼓定四庫全書

北 張儉前在朔州屬全 為使就觀動靜儉單馬推誠入其部落召諸首領布 聚曰汝等並是好人 州司謂其將叛遽以奏聞朝廷議發兵進討仍起儉 相徃還儉並不拘貴賤但存紀綱羈縻而已及儉移 7.2 / 1.1 皆俯伏曰頹攺事公行恭丞 (儉招慰安集之其不來者或居磧比既親屬分住 何因事奴為主使天 靖平突厥之後有思結部落貧窮 武編卷集 **人宗於渭橋** 1

殺其父謀勒兵攻之副使解琬知其謀勸元振夜過元 款塞通和元振就其牙帳計會軍事時天大雪元振立 唐將郭元振在涼州時西突厥首領烏質勒部落強盛 鳥質勒年老不勝寒苦會罷而死其子娑葛以元振故 於帳前與鳥質勒言議須與雪深風凍元振未嘗移足 遂觀其營田每年豐熟處其私酱富質易生騙侈表請 腹心咸啟額而至便移就代州即令檢校代州都督儉 和耀擬充貯備蓄人喜悦邊軍大收其利 1

葛乃感其義復與元振通好 振曰吾以誠信待人 乃安卧帳中明日親入虜帳哭之甚哀行书贈之禮娑 人何所疑懼且深在冠庭適將安適

當其南陳回光當其西朱元琮當其北子儀率甲騎 餘人而雜屬園之數重子儀使李國臣拒其東魏楚玉 郭子儀也於涇陽僕固懷恩率眷屬來冠子儀一軍萬 回紇驚曰令公存乎僕固懷思言天可汗已棄四海令 千出沒左右前後屬見而問曰此誰也報曰郭令公也

できる!!!! ここに

武编後集

儀將出諸將諫曰戎狄之心不可信也請無往子儀曰 謂令公亡矣不然何以至此令公誠存安得而見之子 叛臣何其愚也且懷恩許主棄親於公等何有回於曰 諭之曰公等頃歲遠涉萬里剪除兇逆恢復二京是時 乎對曰皇帝萬壽無疆回於皆曰懷恩欺我子儀又使 虜有四十倍之衆令力固不敢且至誠感神况虜輩乎 子儀與公等周旋艱難何日忘之今一旦棄舊好助 公亦謝世中國無主故我從其來今令公存天可汗存 100

彭定匹库全書

宫城樂備甚嚴燧度長春不下則懷光自固攻之曠日 持久所傷必多乃挺身至城下呼庭光庭兇素憚燧威 皆捨兵下馬齊拜曰果吾父也子儀召其首領各飲之 徐出而勞之曰安乎公等父同忠義又何至於是回允 傳呼曰令公來屬初疑持矢待之子儀以數十騎免胄 馬燧討李懷光於長春宫懷光將徐庭光以兵六千字 諸將曰請選鐵騎五百衞從子儀曰適足以為害也乃 酒與之佳錦數好如初

大南 上之上に

燧庭光東道既絕乃率聚出降燧以數騎徑入城處之 貴可圖也賊徒皆不對燧又曰爾以吾言不誠今相去 士祿山已來首建大熟四十餘年功伐最高奈何葉祖 名拜於城上燧度庭光心已屈乃徐謂之曰我來自朝 廷可西面受命庭光復拜燧乃諭之曰公等皆朔方將 父之熟力背君上為滅族之計耶從吾言非止免禍富 亦泣下先一 不遠數步爾當射我乃披襟示之庭光感治俯伏軍士 日賊焦籬堡守將尉珪以兵二十因堡降

數定匹庫全書

Mi

老二月月

我與將軍同為辛京果所構我已蒙聖朝昭雪使我我 書日觀將軍非敢大逆益遭讒嫉將軍遇我何不速降 くろう 何必持刃殺將軍耶將軍以為不然我以陣術破將軍 懼遂散財聚泉據縣以叛諸道同討連歲不能下鼻受 唐嗣曹王李皇遷湖南觀察使前使辛京果貪残有將 王國良鎮邵州武岡縣豪富京果以死罪加之國良危 不疑莫不畏服 乃曰驅渡此誅反側非所以奉聖朝事遣使遺國良 1111 武納沒集

兵士令復農桑馬 多好匹母全書 遂大呼軍中日有人識曹王否只我是國良何不速降 使請降亦未決舉即日赴縣受降中道有候騎馳告曰 陣以攻法屠將軍城非將軍所度也國良且憂且喜遣 國良軍中有變言降是訴也皐曰非爾華所知遂至摩 下兵單騎假稱使者徑入國良壘中國良召使者入皐 軍愕胎不敢動適有識者走至傅呼曰是國良匍匐 頭請罪皇執手約為兄弟盡焚攻取之備散倉庫給 Į.

矣民將叛之誰與居邑若憚之以威懼之以怒民疾而 費人執之以為囚俘治區夫曰非也若見費人寒者衣 これ フラーニニー 蜀時關羽圍魏樊城留兵將備公安及南 鄭郡吳將日 矣平子從之費人叛南氏 叛為之聚也者諸侯皆然費人無歸不親南氏粉馬入 昭公十三年會叔弓帥師圍費弗克敗焉平子怒令見 /饑者食之為之令主而供其乏困費來如歸南氏亡 招降 武編後集 ŧ

所不足疾痛者給醫藥機寒者賜衣糧羽府藏財實皆 之於是軍中震慄道不拾遺旦落使親近存恤者老問 将士家屬皆撫制約令軍中不得干歷人家有所求取 蒙襲之兵到南郡羽下將慶芳降蒙入據城盡得羽及 **蒙麾下士是汝南人取民家一笠以覆官鎧官鎧雖是公 拿遇其使周城中家家致問或手書示信羽人還私相** 封閉以待孫權至羽還在道路數使人與蒙相聞蒙輒 事衆猶以為犯軍令不可以鄉里故而廢法遂垂涕斬

敏好四届全書

7

而降權 **条訊咸知家門無悉見待過於平時故羽吏士無問心** 聽之吳石城守去襄陽七百餘里每為邊害枯患之竟 懷遠近甚得江漢之心與吳人開布大信降者欲去皆 **され、 ゴーシ** 以詭計令吳罷守於是戍避滅牛分以墾田八百餘頃 晉羊祜都督荆州諸軍率營兵出鎮南夏開設庠序綏 會權尋至羽自知孤窮乃走麥城西至漳鄉東皆委羽 父獲其利祐之始至也 軍無百日之糧及至李年有十 1.11.1 武編後集

得言有畧吳二兒為俘者枯遣送還其家後吳將夏詳 銀好匹母全書 年之蓄祐以孟獻營武牢而鄭人懼晏弱城東陽而菜子 枯以禮遣還吳將鄧香掠夏口枯募生縛香旣至宥之 祐追斬之美其死節而高之厚加殯飲景尚子弟迎喪 等來降二免之父亦率其屬與俱吳將陳尚潘景來冠 懷柔初附將的有欲進譎訴之策者輕飲以醇酒使不 城以西盡為晉有自是降者前後不絕乃增修德信以 服乃進據險要開建五城收膏腴之地奪吳人之資石

2.10 德我專為暴是不戰而自服也 談以為華元子反復見於今抗每復告其成曰彼專為 所侵送網價之每會聚江河遊獵常止晉地若禽獸先 抗稱枯之德雖樂殺諸葛孔明不能過也抗嘗病枯饋 然悦服稱為羊公不之名也祐與陸抗相對使命交通 為吳人所傷而為晉兵所得者皆封還之於是吳人 香感其恩率部曲而降祐出軍行吳境刈穀為糧皆 /築抗服之無疑心人多諫抗抗曰羊枯豈酰人者 時 1.11.1 武術後集 盒栩

後漢更始初光武為蕭王定河北諸賊銅馬餘衆降封 **贱者坐吾不殺汝坐而降者八午餘人賊大敗** 交法尚馳擊其柳柵中人皆走散光任大潰追斬之 勒勁兵保白石洞法尚捕得其弟光畧光度大獲家口 隋桂州人李光仕舉兵作亂隋將周法尚討之光仕帥 岳飛攻贼李成將馬進賊駭亂退走飛使人呼曰不從 其黨有來降附者輛以妻子還之居旬日降其數千人 法尚遣兵列陣以當光仕親率奇兵蔽林設伏兩陣始 1

到货四届全書

營勒兵乃自乘輕騎按行部陣降者皆相語曰蕭王推 之人人自安願効死力其黨相謂曰我輩本無逆心徒 令唐高祖代之賊有來降者皆引致左右推赤心以待 少必坑之由是真敢降賊徒日盛連年不能克場帝乃 盖擊之子盖深滿高壘不敢決戰有来歸首者不問多 隋絳郡贼柴保昌等有衆八萬煬帝令户部尚書樊子 其渠帥為列侯降者猶不自安光武知其意物令各歸 赤心置人腹中安得不投死乎由是皆服

蔡之遺黎始知有生人之樂度以蔡卒為牙兵或以為 約法惟盗鬬殺外餘盡除其往來者不復以晝夜為限 無所歸今唐公與人無隔思意如此我輩知不死矣遂 以政令嚴酷懼死為盜耳前後首者皆為子蓋所殺窮 偶語夜不然燭人或以酒食相過從者以軍法論度乃 相率歸前後至者數萬人餘賊散走他郡 反側之徒其心未安不可自去其備度笑而答曰吾受 唐淮西既平裴 度為節度招撫使蔡人大悅舊令途無

欽定四庫全書

基二 武編後集 宋檀道濟為高祖比伐前鋒至洛陽凡技城破壘俘四 漢楚相持之際項羽擊陳雷外黃外黃不下數日降羽 大王至又坑之百姓豈有所歸心哉從此以東梁地 至睢陽聞之皆爭下 餘城皆恐莫肯下矣羽然其言乃赦外黃當坑者而東 悉令男子十五以上詣城東欲坑之外黃令舎人兒年 十三往說羽曰彭越强刼外黄外黄恐故且降待大王 為帥元惡就擒蔡人即吾人也父老無不感泣 非救焚拯溺之義但恐自此以南城鎮堅守不下非計 也今新定判野宜引寬大以慰遠近之心降而籍之恐 吹非主豈容同叛逆之科此蒯通所以免大戮於漢祖 者之師義存吊伐百姓既受驅逼相戰豈其所願且犬 官軍拒戰罪狀既重當籍沒其家以實將士李靖日王 今日皆釋而遣之於是戎夷感悦相率歸之者衆 千餘人議者謂應戮以為京觀道濟曰伐罪弔民正在 **繁定四庫全書** 唇懷安王孝恭討蕭銑銑降時諸將咸曰銑之將帥與 苍二後集 主

文と日東という 負斧鎖於軍門弇傅步詣行在所勒兵入據其城樹 由是叛徒皆感朝廷恩繼有降者 後漢初河南賊張步據齊地漢將耿弇討敗之步內袒 前驅使如緣父母猶在賊中或贏老疾病情切歸還者 馬使夏侯澄等四十七人上並從釋放仍却赴违送軍 唐元和中魏博義成軍送擒獲遊賊李師道下都知兵 仍量事優給放去及澄等至行營賊覘知之潛相傳告 /盖遂/止江漢城邑聞之)莫不爭卞 武編後集

蜀諸葛亮南征所在戰捷聞孟獲者為夷漢所服募生 從所樂親屬相隨任所居止於是羣情喜悅兵即四散 |後魏末河北賊葛榮為魏將爾朱榮所擒餘衆悉降榮 致之既得之使觀營陣之間問曰此軍何如對白向者 金好世是人 以贼徒旣衆岩即分割恐其疑懼或更結聚乃下令各 郡旗時步東尚十餘萬輜重七十餘两年令降軍各 知虚實故敗令衆賜觀管陣若祇如此即易勝耳亮 八指旗下皆罷遣軍人令歸鄉里齊地悉平

たれ. 7月日 A. a.i. 栗之仁果列陣城下太宗據涇水以臨賊陣賊徒氣 唐太宗討薛仁杲率左右二千餘騎追奔直越折撫以 捷獲陳之士三縱之肅乃遁走 威也南人不復反矣遂至滇池南中悉平 **肅竭私財以充軍用隋將楊素奮兵擊之四十餘戰隋** 陳禎明三年隋師濟江宜黃侯慧紀遣将吕肅據巫峽 笑縱使更戰七縱七擒而亮又遣 獲獲不去曰公天 軍死者五千餘人陳人盡取其鼻以求功旣而隋軍屢 3 武編後集

宗遣之於是各乘良馬須史並至 讓邀之不至自疑有罪夜亡入羣盜中明旦二人去引 無敢進戰其縣將揮幹等數人 讓實無罪也捕盜使楊遷因其自首而執以送使去討 瑄為西川節度敬瑄多遣人思縣鎮調事謂之尋事人 所至多所求取有二人過資陽鎮獨無所求鎮將謝引 唐高仁厚為西川押牙是時中官田令孜同父兄陳敬 擒獲以求功敬瑄不之問杖弘禄春二十釘西城 (臨陣来

銀好四月全書

又小丁豆 陳敬瑄以楊行遷等父無功以仁享為都招討指揮使 贼自是紛紛競起州縣不能制敬瑄遣牙將楊行遷等 掠良民不從者舉家殺之谕月東至萬人立部伍署職 復誘之能方出首聞引讓之冤大罵楊遷發愤為盜驅 級横印雅二州間及陷城邑所過塗地先是蜀中少盜 七日煎油潑之又以膠麻掣其瘡備極慘酷見者宽之 又有印州牙官阡能因公事違期避杖亡命為盜楊遷 | 帥各將三千人以討之阡能黨愈熾浸淫入蜀州境 1.1.1.1 武編後集

将兵五百人往代之未發前一 多好四月全書 愍汝曹皆良人為盗賊所制情非得已尚書欲拯救湔 多兵也然我救汝一家汝當為我潜語寨中人云僕射 **炒妻子但語阡能云高尚書來日發所將止五百人無** 也仁厚曰誠知汝如是我何恐殺之今縱汝歸叔汝父 於獄云汝詞事歸得實則免汝家不然盡死某非二湖 厚命釋縛温言問之對曰某村民阡能囚其父母妻子 入營中數四選者疑之執而訊之果阡能之謀也仁 31 日有鬱麵者自旦至

た

で<br 怒曰阡能役夫其衆皆耕民耳竭一府之兵歲餘不能 姓心上事尚書盡知而赦之其誰不舞躍聽命一口傳 羅夫子韓求五人耳必不使横及百姓也誤曰此皆百 洗汝曹尚書來汝曹各投兵迎降尚書當使人書汝背 奔走如嬰兒之見慈母阡能孤居立成擒矣遂遣之仁 為歸順即遣汝復舊業所欲誅者阡能羅渾擎句胡僧 厚引兵簽至雙流把截使白文現出迎仁厚周視塹柵 百百傳千川騰海沸不可遏也比尚書之至百姓必盡 V 武編後集 Ī

贱大喜呼課争棄甲投兵請降拜如推山仁厚悉撫諭 令勿殺遣人釋戎服入賊中告諭如昨日所以語誤者 皆集阡能聞仁厚將至遣羅渾擎立五寨於雙流之西 邀功也命引出斬之監軍力救久之乃得免命悉平 伏兵千人於野橋箐以邀官軍仁厚詢知引兵圍之下 **塹繞留五百兵守之餘兵悉以自隨又召諸寨兵相繼** 擒今觀輕柳重複牢密如此宜其可以安眼能食養寇

金石田人子言

呼曰羅渾擎已生擒送使府大軍行至汝輩居寨中 械以送府悉命焚五寨及其甲兵惟雷旗幟所降凡 **狽踰塹走其衆執以詣仁辱仁厚曰此愚夫不足與語** 新津寨下示以背字告谕之比至延貢可歸矣乃取渾 百姓未知吾心或有愛疑籍汝曹為我前行過穿口 1. 70 151 ALL 如我出降立得為良民無事矣至穿口句胡僧置十 ·旗倒繁之每五十人為隊授以一旗使前走楊旗疾 《明旦仁拿謂降者曰始欲即遣汝歸而前途諸寨 武編後集

絕明日仁厚縱雙流穿口降者先歸使新津降者執旗 寨仁厚止之曰降人皆未食先運出質糧然後焚之新 降者執旗先驅一 降者競炊變與先降来告者共食之語笑歌吹終夜不 降求自投深塹其衆鉤出之已死斬首以獻將士欲焚 之共擒以厭仁厚其衆五千餘人皆降又明旦焚寨使 寨寨中人争出降胡僧大驚拔劍遏之衆投瓦石擊 ,驅且曰入印州境亦可散歸矣羅夫子置九寨於延 如雙流至新津韓求置十三零皆通

多好四母全書

井為求所擒不死又執羅夫子羅夫子自到眾繁羅夫 子首縛所能驅之前迎官軍指仁厚權馬首大呼泣拜 明旦諸寨知大軍已近呼課争出執奸能奸能居急赴 夫子走馬巡索欲出兵東皆不應仁厚引兵連夜逼之 與之謀悉求決戰計未定日向暮延貢降者至阡能羅 子脱身棄塞奔阡能其眾皆降明日羅夫子至阡能塞 曰百姓負冤日久無所控訴自誤者還百姓引領度頃 貢其東前夕望 新津火光已不服矣及新津人至羅去 3 代病发作 まし

敗以詩改求哀於仁厚仁厚送府釘於馬市自餘不戮 進士屢舉不中第歸於阡能為之謀主為草書機阡能 句胡僧於城西七日而高之阡能孔目官張榮本安仁 誰呼不可止賊案在他所者分遣諸將往降之仁厚出 刻如期年今遇尚書如出九泉賭白日已死而復生矣 軍凡六日五賊皆平每下縣鎮輒補鎮遏使使安集內 口於是陳敬瑄泉韓永羅夫子首於市釘阡能羅渾擎 一人以仁厚為州防禦使

都定四庫全書

春秋時楚師伐宋九月不服將去宋楚大夫申叔時僕 CA. 77 (10) 1.1.1.1. 為所初是復生一淮南矣因不之罪 悦翰曰城以困歸我非心服也所得器甲盡在正陽尚 送歸京師時曹翰適從京師來詣過正陽十數里許遇 周世宗征淮南圉鎧甲千數在正陽而得降卒八百部 >慮刧兵器為叛矯殺之及見世宗具言其事世宗不 用間 殺降 Ų 武编後集

多好四月全書 十里宋及楚平華元若不因問課無由得入楚軍 從也去三十里惟命是聽子反懼與之盟而告王退三 魏公子無忌安釐王時為信陵君不以富貴驕人公子 召大臣謀公子曰趙王田獵耳非為冦也復博如故王 與魏王博而北境傅舉烽言趙冠至且入界王釋博欲 色易子而食析骸而爨雖然城下之盟有以國斃不能 曰築室反耕者宋必聽命楚子從之宋人懼使華元夜 (楚師登子反之牀而起之曰寡君使元以病告曰版 卷二!

父已の日本 人言急救武安趙奢立斬之堅壁雷二十八日不行復 軍武安西秦軍鼓謀勒兵武安屋瓦盡振軍中候有 兵去那郭三十里而令軍中日有以軍事諫者死春軍 趙奢為趙將秦伐韓軍於關與趙王令趙奢將兵赦之 恐心不在博居頃復從北方來言趙王獵耳非為猛也 王陰事者趙王所為極以報臣臣以此知之 王大驚問公子何以知之公子曰臣之客有能探得趙 反間 -武編後集 芜

宣善為賊守諸將勉力自固勿不忠於賊也 拘送於李晟嚴解縛食而遣之誠之曰爾報姚令言崔 解関與之圖而歸 會賊將姚令言偽中丞崔宣使誅覘我軍為邏騎所得 唐朱泚反將吏自賊中逊來者言此衆攜雜可滅之狀 日夫去國三十里而軍不行乃增壘悶與非趙地也奢 既已遣秦間乃卷甲而趨之大破秦軍秦軍解而走遂

金好四月分了

J.

卷二

益增壘秦間來奢善食而遣之間以報秦將秦將大喜

パニコニ ニュー 毅有際單間之乃縱反間於燕宣言曰齊王已死城之 兵南面而王齊齊人未附故且緩攻即墨以待其事齊 **燕使樂毅代破齊齊湣王出奔已而保当城熊師長驅** 不抜者二耳樂毅畏誅而不敢歸以伐齊為名實欲連 推田單為將軍以即墨拒無項之無昭王卒惠王與樂 平齊田單東走保即墨即墨大夫出戰 敗死城中相與 使厚之謀反以情告想想益知賊中虚實 李愬討淮西舊軍令有舎賊誤者屠其家憩除其令因 7 代 病 发 作

熊將大喜許之熊軍由此益解單乃鑿城夜縱火牛壯 豪逍燕将曰即墨即降願無虜掠吾族家妻妾令安堵 齊諸降者皆則皆怒堅守惟恐見得又縱反問曰吾懼 得齊卒置之前行與我戰無人聞之如其言城中人見 代樂教樂教因歸趙軍又宣言曰吾惟懼無軍之劓所 即墨人徒城望見皆涕泣單又收民金得千益令即墨富 人所懼惟恐他將之來即墨殘矣燕王以為然使騎刼 〈掘吾城外塚墓像辱先人無軍畫掘葬墓燒死人

超足四庫全書

y

秦聞馬服子將乃以武安君白起為將軍秦軍射殺趙 治雅為秦昭王相使右庶長王處攻韓取上黨上黨民 **敢戰而又聞秦反間之言因使趙括代廉頗將以擊秦** 且降矣趙王既怒廉頗軍多失亡軍數敗又反堅壁不 為反間曰秦之所惡獨畏馬服子趙括將耳廉頗易與 挑戰趙兵不出趙王數以為讓而雕使人行千金於趙 走趙趙軍長平歲因攻趙趙使廉頗堅壁以待秦秦數 士鼓課出擊燕軍大駭敗走所亡七十餘城皆復 7 代嗣炎集

彭定匹庫全書 當無食馬邑不足圖也高祖以無可任者乃使世讓馳 驛往經略之突厥懼其威名乃縱反間言世襲與可 数出奇兵略其城下芟踐禾稼敗其生業不出歲餘彼 於崞城置一智勇之將多儲金帛有來降者厚賞賜之 讓答曰定厥南冦徒以馬邑為其中路耳如臣所計請 唐劉世讓拜廣州總管將之任高祖問以備邊之策世 括括軍敗卒四十萬人降武安君武安君乃挾詐而盡坑 Ţ. THE PROPERTY OF THE PROPERTY O

CA. TO SEL ALLES 疑其心項王為人意忌信讒必內相誅漢因舉兵而攻 漢王忠之請割滎陽以西和項王弗聽平曰顧楚有可 通謀將為亂高祖不之察遂誅世讓 過數人耳大王能出捐數萬斤金行反間間具君臣以 前漢陳平初為漢王護軍中尉項羽圍漢王於滎陽城 之破楚必矣漢王以為然乃出黃金四萬斤與平恣所 亂者彼項王骨鯁之臣亞父鍾離珠龍且周殷之屬不 使間 7 武编後集 主

唐長孫晟為奉車都尉以突厥攝圖玷厥阿波突利等 太牢之具舉進見楚使來即陽繁日吾以為亞文使乃 起父四届 全書 果大疑亞父亞父欲急擊下榮陽項王不信不肯聽亞 項王使也復持去以惡草具進楚使使歸具以報項王 為不問出入平既多以金縱反問於楚軍宣言諸將鍾 離床等為項王將功多矣然終不得裂地而王欲與漢 父亞父聞項王疑之乃大怒疽發背而死卒用計減楚 以滅項民分王其地項王果疑之使使至漢漢為 **本**

夕記日日 白江 內附攝圖四千萬騎自蘭州入至於周盤破達奚長孺 勢高祖皆納用乃遣太僕元輝出任吾道使詣玷厥賜 各倚强兵難以力征易可離間因上書陳突嚴强弱形 以狼頭蘇謬為欽敬禮甚優玷嚴使来引居攝圖使上 軍更殺南入玷殿不從引兵而去 奚雪契丹等遣為鄉導得至處羅侯所深布心腹誘令 反間既行果相猜貳授晟車騎將軍出黃龍道賣幣賜 鄉間 Į. 武編後集 İ

得書果疑道常其所欲經略皆不見用孝寬知其離阻 遣其楊州刺史牛道常扇誘邊民孝寬深患之遣誤人 意又為落燼燒迹岩火下書者還令課人送於探營琛 訪獲道常手跡令善作書者偽作道常與孝寬書論歸款 後周幸孝寬為南兖州刺史東魏將段琛堯傑據宜陽 李達為都督義州弘農等二十一州諸軍事每厚無境 金岁四月子言 者亦不以為悔其得人心如此 外之人使為間諜敵中動静必先知至有事泄被誅戮 表二

欠己の日という 秦王翦為将攻趙趙使李收司馬尚禦之李收數破走 令守 而還其能致人情如此 騎大将軍鎮王壁孝寬善於撫御能得人心所遣間謀 因出奇兵掩襲擒道常及琛等崎運遂清後孝寬為驃 入齊者皆為盡力亦有齊人得孝寬金貨遙通書疏故 動静朝廷皆先知時有主帥許盆孝寬託以心督 内間 城盆乃以城東入孝寬怒遣謀取之俄而斬首 武騎後集 喜

立齊臣祖廷穆提婆與光有隊因續之曰首老翁背上 月照長安光字明月又曰高山不推自崩解木不扶自 英男乃作謠言令問謀漏其文於都曰百升飛上天明 王疑之使趙葱及顏聚代將斬李收廢司馬尚後三月前 後周常孝寬為將軍北齊將斛律光在汾北孝寬忌光 為反間日李牧司馬尚欲與秦反趙以多取封於秦趙 因急擊趙大破殺趙感虜王遷及其将顏聚遂滅趙 秦軍殺將桓齮翦惡之乃多遺趙王寵臣郭開等金使

金好四月全書

安遣關羽爭三郡權時住陸口使魯肅萬人也益陽拒 羽而飛書召蒙急還助肅蒙既定長沙當之零陵南陽 吳孫權命已蒙西取長沙零桂三郡蒙移書二郡望風 齊之意竟平其國 遂相與協謀以謠言啟後主謀誅光武帝聞之始有滅 受大斧饒舌老母不得語令小兒歌之於路提婆聞之 以告後主乳母陸令萱以饒舌斥已盲老翁謂祖廷也 5. 服惟零陵太守都普城守不降而劉備自蜀親至公 民病矣其

繼於道曾不移日而城必破城破之後身死何益於事 · 电救翻逆為孫規所破彼方首尾倒垂椒死不給豈有 而令百歲老母戴白受誅豈不痛哉家度此家不得外 夜召諸將授以方略晨當及城顧謂玄之曰部子泰聞 餘力復營此哉令吾士卒精鋭人思致命至尊遣兵相 節女之者都普之舊也欲令誘普及被書當還蒙秋之 夏侯淵所圍關公在南郡至尊身自臨之近者破樊本 世有忠義事亦欲為之而不知時也左將軍在漢中為

超定四年全書

7

老三年年

備在公安而羽在益陽慙恨入地 普具宣家意善懼聽之玄之先出報蒙普尋後當至家 戰國鄭武公欲代胡先以其子妻胡因問羣臣曰吾欲 **執其手與下船語畢出書示之因拊手大笑普見書知** 豫物四將各選百人普出便入守城門須良普出蒙迎 問謂援可恃故至於此耳君可見之為陳禍福玄之見 用兵誰可伐者大夫關其思曰胡可伐武公怒而戮之 死間

漢高祖時齊王田廣軍歷下以拒漢漢使酈食其往說 日胡兄弟之國子言伐之何也胡 君聞之以鄭為親已 韓信渡平原龍破齊齊王京酈生 之與連和廣然之乃能歷下守備縱酒且遣使與漢平 南齊東昏侯遣輔國將軍劉山陽為巴西太守配兵三 史將起兵處顏胄不同遣顏胄親人參軍王天虎倫與 不備鄭襲胡取之 使過荆州就行事蕭穎胄兵襲蕭行行時為雅州刺 **基二編後集**

颍胄兄弟去後梁武謂張弘策曰夫用兵之道及心為 諸君試觀何如及山陽至巴陵梁武復命天虎齊書與 勸同舉兵頹胄意猶未決及山陽西上梁武謂諸將曰 上攻城次之心戰為上兵戰次之今日是也先遣天虎 計况以無算之昏主哉我能使山陽至荆州便即授首 **問同耶我若總荆州之兵掃定東夏韓白重出不能為** 荆州本畏襄陽又加以唇亡齒寒自有傷發之急寧不 州府書詣江陵聲云山陽西上并 襲荆雅書與顧胄

是時或云山陽謀殺頹胄以荆州同舉及至江安聞之 **席閩文柳沈閉閣定議闡文曰蕭雅州蓄養士馬非復** 事進無以自明必恐漏吾謀內是馳兩空亟定一州矣 **共隱其事必人人生疑山陽惑於東口迭相嫌貳則行** 弟云天虎口具及問天虎而口無所説行事不得相聞 往州府人皆有書今次乗驛甚急止有兩封與行事兄 果疑遲回十日餘不上顧胃大懼計無所出夜呼主軍 不容妄有所道天虎是行事心齊聞必謂行事與天虎

鼓定四庫全書

老二後非

陽告與於期亦以頭借荆軻乃斬天虎以示山陽山陽 我令斬送天虎則彼疑可釋至而圖之罔不濟矣計旦 能制之歲寒復不為朝廷所容令若殺山陽與雅州舉 劉孝慶等伏兵城內山陽入門即於車中斬之 大喜至江津單車白服率左右數十人詣潁胄潁胄 颊胃謂天虎曰天下之事縣在於卿令就借頭以詐山 事立天子以令諸侯霸業成矣山陽遅疑不進是不信 日江陵素畏襄陽人又衆寡不敢取之必不可制就 7.11 7:11 **武編簽集**

為定裏道總管往利頡利頡利不肯朝覲請待草青馬 藩臣太宗遣唐儉安修仁持節出寨以安撫之以李靖 貞觀初突厥頡利可汗退保鐵山遣使入朝謝罪請為 皆俘以隨軍颉利見使者甚悦不虞官兵之至靖軍奄 白 宽率精騎齊二十日糧乗間掩襲諸将皆曰詔許其 降行人在彼奈何攻之靖曰此兵機也如唐儉等輩何 肥將踰砂磧靖與其副將張公謹謀曰制使到彼虜必 足情督軍疾進自白道襲之至陰山遇其斥候千餘帳

| 籔定匹庫全書

ている ユニュニニ 守江良臣疾馳去世忠度良臣已出境即上馬令軍中 歸路會遣魏良臣使金世忠撤炊爨給良臣有詔移屯 世忠的守備圖進取辭旨懸切世忠受記感泣曰主憂 韓世忠值是歲金人與劉豫合兵分道入侵帝手礼命 如此臣子何以生為遂自鎮江濟師俾統制解元守高 到縱擊之遂減其國 曰脈吾鞭所嚮於是引軍次大儀勒五陣設伏二十餘 郵候金步卒親提騎兵駐大儀當敵騎伐木為棚白斷 民病炎集 克

多定 匹库全書 高郵遇敵設水軍夾河陣日合戰十三相拒未決世忠 騎蹂職人馬俱斃遂擒托卜嘉等二百餘人所遣董段 持長斧上揕人骨下斫馬足敵被甲陷泥淖世忠麾勁 所約聞鼓即起擊良臣至金軍中金人問王師動息具 四起旗色與金人旗雜出金軍亂我軍送進背嵬軍各 儀五里別将托卜嘉 擁鐵騎過東世忠傅小塵鳴鼓伏兵 以所見對聶呼貝勒 聞世忠退喜甚引兵至江口距大 **亦擊金人於天長縣之鵐口擒女真四十餘人解元至** 卷二十

五代梁朱温以歧人堅璧不戰且應師老思欲旋斾以 怨馬珠夜引軍還劉麟劉稅棄輜重道 聘會雨雪金饋道不通野無所掠殺馬而食蕃漢軍皆 賀帝曰世忠忠男朕知其必能成功論者以此舉為中 復親追至淮金人驚潰相蹈籍溺死甚衆捷聞俸臣入 遣成関將騎士往接復大戰俘生女真及千户等世忠 ていり、と ノント 以書幣約戰世忠許之時方宴會使兩伶人以橘名報 興武功第一時達喇屯泗州烏珠屯竹塾鎮為世忠所扼 武祸发来 罕

東通為告且言列岩尚留萬餘人俟夕將通矣宜速掩 皆屏匿如無人景因躍馬西走直叩歧闡詐以深軍悉 錄其孥温悽然立止其行景固請乃許之明日軍出諸 之尋有騎士馬景堅顧應命且曰是行也必無生理顏 歸河中因密召上將數人語其事時親指揮使高季昌 詐也乗機集事必由是平乃命季昌密募人入歧以給 困願少俟之温嘉其言因曰兵法以正合以哥勝竒者 獨前出抗言曰天下雄傑窺此舉者一歲矣令歧人已

銀定四庫全書

实

ス・コーニュニー 李讓於道設伏泰以長梯倚城而舉火伯軍見火起而 為期尚信之悉出精兵遣隗伯等率兵從泰擊雄雄將 楊州牧羅尚追隗伯攻蜀賊李雄於邾城互有勝負雄 之中軍一鼓百營俱進又分遣数百騎以據其闡此人 乃募武都人朴泰鞭之見血使譎羅尚欲爲內應以火 真由是喪膽但閉壘而已 進不能駐其趾退不能入其壘殺戮踩踐不知其數茂 之茂真信其言遽改二扉悉衆來短時諸軍已介馬待 4 气局发展 P .

誘令冠帶因出師以贼級予之白於帥府表授三班借 **彭定四庫全書** 常有并在關中之意其將剛浪陵號野利王恭號天都 青澗謀有以去之有王嵩者本青澗僧世衡察其堅朴 王元具倚為心腹凡勝我軍皆二將之策也世衡方城 种世衛居西邊始元具後邊王師屢撓處之氣焰益張 外擊之大破尚軍 争縁梯泰又以絕汲上軍百餘人皆斬之雄因放兵内 生間 实

水产四年 Cally 之具悉出世衡嵩感激既深世衡及不禮以奴畜之或 職充經畧司指使且力為辦其家事凡居室騎從衣食 問起居之儀惟以數句隱辭如當有私約而勸其速行 况敢辭捶楚乎世衡乃草遺野利書書辭大抵如世間 對日家將軍恩教致身榮顯常誓以死報而未知其所 掠治械繁数日嵩雖不勝其苦卒無一辭望世衡世衡 汝所不言其苦雖有甚於此者汝能為卒不言否嵩泣 知可任兵事居半年召嵩謂之曰吾將以事使汝吾成 武編後集 里二

龜 密院次曰中書有數胡人雜坐野利與馬召嵩廷詰將 俱西北行數百里至一大城日與州先詣一官寺曰樞 野利不敢匿乃封其信上元昊數日元昊召野利與嵩 何女子見識度嵩别有書當伴目左右既而答以無有 軍命出聚龜投之野利知見侮笑曰吾素奇种將軍令 之意書於尺素且膏以蠟置衲衣間密縫之告嵩非濱 死不得泄如泄之當以負恩不能成吾事為言并以畫 副聚一部為信俾遺野利嵩受教至野利所以將

多人口人自言

欠八口馬八二二 書以進書入移刻始命當就館優待以禮元昊於是疑 然中有人出又以前問責之曰若速言死矣高對如前 吾負將軍箔中急使人追問之嵩具以對乃被初衣取 王書我不得妄沙今不幸空死不了將軍事各負將軍 乃命曳出斬之嵩大號且言曰始將軍遣嵩密遗野利 垂班竹箔綠衣小豎立其左右嵩意元昊宫室也少頃 軍書問所在堅執前對稍稍去巾櫛加執縛至於捶楚 極苦嵩終不易其言又數日召入一官走廳事廣楹皆

武編後集

善即還而野利已報死矣世衛知謀已行因欲行間 都又為置祭境上作文書於版以中多述野利與天都 令隙中視之生房能言姓名果元昊使世與意决乃見 之使者傳野利語世衡慢為元昊而稱野利有心內附 遣未即見命屬官日館勞之問處中山川地形在與州 乃厚遣使者曰為我語若王速次無遲當也度使者至 左右言則詳迫野利所部多不能悉適擒生虜數人因 野利陰遣愛將假為野利使使於世衛世衛知元具所

金好四月全書

36

段定四事全事 · 武編後集 之世衡當獲蕃猶之子私吃暴厚遇之聞元具當賜野 利寶刀而吃曩之父得幸於野利世衡因使吃異寫野 兵巡邊深涉漢境數宿白姥乘間乃踏其欲叛元吴疑 山號天都大王與元昊乳母白姥 有隙處除日野利引 定講和之策馬一云元昊之臣野利常為謀主守天都 以此亦得罪元昊既失二将久之始悟為世衛所賣遂 急數之以歸版字不可遠減虜人得之以獻元昊天都 相結有意本朝悼其垂成而失其文雜紙幣伺有虜至 野利有大功死不以罪自此君臣精貳以至不能軍 盡但存數十字元昊得之又識其所賜刀遂賜野利死 **虜人争取器皿得元昊所賜刀及火爐中見祭文已燒** 除日相見之觀入夜乃火燒紙錢川中盡明虜見火光 衡乃唱言野利已為白姥諸死設祭境上為祭文叙歲 利刀許之以緣邊職任錦袍真金帯吃異得刀以還世 引騎近邊窺覘乃佯委祭具而銀器凡千餘兩悉棄之

兵先擊祝阿自旦攻城未中而拔之故開一角令其東 歷下分兵屯祇阿别於太山鐘城列營數十以待拿拿 後漢光武初追耿弇征張步步聞之乃使大將費邑軍 雞鳴而食惟命是聽晉人患之苗實皇旬曰蒐東補卒 春秋時楚子反命軍吏察夷傷補卒東繕甲兵展車馬 天敗楚也夫余不可以待乃宵通 聞之召子反謀穀陽豎獻飲於子反醉而不能見王曰 秣馬利兵修陳固列夢食中禱明日復戰乃逸楚囚王

たこり うしこう

武病发表

萬令温宿王赦之超召將校及于闖王議曰今兵少不 告邑邑将精兵三萬来救弇曰吾修攻具者欲誘致邑 班超在西域發于關諸國兵擊影車而絕兹王遣兵五 得奔歸鍾城聞祝阿已潰空壁七去費邑遣弟守拒里 耳今適其所求也大敗之 修攻具後三日當悉力攻巨里陰緩生口令亡歸歸者 有降者言邑聞弇欲攻巨里謀来殺之弇嚴令軍中趣 拿進軍先脅巨里使揚言多伐林木以填塞扼聖數日

多好四库全書

V. 13 . 11. 管胡大驚亂奔走追斬五千級自是威鎮西域 邀於閩超知二虜已出密召諸部勒兵鷄鳴馳赴沙車 夜鼓而發陰縱所得生口歸以超言告龜兹王王聞之 敵其計真若散去于關從是而東超亦於此西歸可須 大喜自以萬騎於西界遞超温宿王將八千騎於東界 泉遂潛伏以乗其背大破之擄其卒五千餘人尋還其 河北贼為策别帥韓妻等有衆數萬人屯據薊魏將侯 淵率騎七百討之去薊百餘里值賊帥陳周馬步萬餘 武編後集 異

害之地恥以無備取敗不以所喪之實告於孫皓預欲 遂遁走追擒之 遂帥果夜進昧朝即其城門韓妻果疑降卒為之內應 馬伏縱令入賊城左右諫曰既獲何為更資遣之淵曰鐵定四庫全書 間吳邊將乃表還其所獲之衆於皓皓果召政遣武昌 簡精鋭襲吳西陵督張政大敗之政吳之名將也據要 我兵既少不可力戰事須為計以離間之淵度其已至 杜預為鎮南大將軍都督荆州至鎮繕兵甲耀威武乃

超定四库全書

冬二

監劉憲代之故大軍臨至使其將帥移易以成傾為之 中得為珠謀者飛陽責之曰汝非吾軍中人張斌耶吾 岳雅知劉豫結尼雅滿而烏珠 惡劉豫可以問而動會軍

向遣汝至齊約誘致四太子汝往不復来吾繼遣人問

齊巳許我今冬以會合冠江為名致四太子於清河汝

言與劉豫同謀誅烏珠事因謂謀曰吾今貸汝復遣至

武編後集

星

所持書竟不至何背我耶謀冀緩死即詭服乃作蠟書

P . 10 51 1.11.15

飛命士葬食潛趨遠嶺未明已至太平場復破其岩成 岳飛時李成亂湖南雅奏比年多命招安故盜力强則 齊問舉兵期刲股納書戒勿泄謀歸以書示烏珠烏珠 許之雅入質州境得成謀者縛之帳下飛出帳調兵食 肆暴力屈則就招尚不畧加勒除遙起之衆未可遽於 狀頓足而入陰令逸之課歸告成成大喜期盡日来追 大驚馳白其主遂廢豫 吏曰糧盡矣奈何飛陽曰姑反茶陵已而顧謀岩失意

影好四年全書

冬二

等曰成黨散去追而殺之則脇從者可憫縱之則復聚 一鎮飛部幾八千一鼓登嶺破其聚成奔連州飛謂張憲 為盗今遣若等誅其首而撫其衆慎勿妄殺界主上保 民之仁於是憲自賀連徐慶自邵道王貴自郴桂招降 桂嶺置岩至北藏嶺連控監道親以東十餘萬中達頭 二萬與飛會連州進兵追成成走宣撫司降 關遣將迫戰飛不陣而鼓士争奮奪二險據之成又自 據險拒飛飛麾下兵掩擊賊大潰成走據北藏領上悟 751 七局发表

知其然即假作答式書云得報懇惻知與休久結嫌除 兼領兵馬頗作邊害而與北舊將文聘子休宿不協遜 吳陸遜為大將軍右都護鎮荆州時魏江夏大守途式 **新定匹庫全書** 騎逼賊壘城出戰飛陽北城來追之伏兵起先所遣卒 商入贼境贼掠以充部伍飛遣百人伏山下自领数十 岳飛相有劇賊陶俊賈進和飛請百騎滅之遣卒偽為 擒俊及進和以歸 漏間 卷二角月 固固即斬振父子遂率騎一千来降矩還令守洛 初楊平矩記過洛陽收固斬之便以振代固矩送以示 史周振與固不協密陳固罪矩之破暢也帳中得聰書 潛速嚴更示定期以書置界上式兵得書以見式式惶 夜掩暢營暢僅以身免先是聰使其將趙固鎮洛陽長 李矩為河東太守劉聰遣從弟暢討矩矩選勇敢千人 恐遂自送妻子還路由是吏士不相親附遂以免能 勢不兩存欲来歸附賴以密呈來書表聞選求相迎宜 希烈意欲繁之慎以計道,歸阜始至鍾陵大集將史得 曹王皐鎮江西先是牙將伊慎討梁崇義推鋒陷敢李 欽定四庫全書 其謀漏泄乃欲舉兵 除亮欲促其事乃追郭謨詐降過儀因漏泄其謀達聞 諸葛亮惡其反覆又惡其為患達與魏與太守申儀有 巧乃以達為新城太守達於是連吳固蜀潛圖中國蜀 蜀將孟達降魏魏朝遇之甚厚司馬宣王以達言行傾 不信間 **卷二** 武編後集

晃

中詰之皐乃抗疏論雪上童未報會賊兵沂江來冠皐 乃遣慎七屬之甲詐為慎書行間焉德宗遣中使即軍 乃召慎勉之令戰大破二千餘衆朝廷始信其不二

慎而壯之拔為大將繕理舟師希烈懼慎為曹王所任

久入了戶 Kinhin

军哭之哀而民說殆不可伐也孔子聞之曰善哉覘國

武編後集

哀晉人之現宋者反報於晉侯曰陽門之介夫死而子

春秋時子罕為宋司城陽門之介天死子罕入而哭之

楚子元為楚令尹以車六百東伐鄭入桔扶之門諸侯救 烏齊師其道 師其遁邢伯曰有班馬之聲齊師其遁叔向曰城上有 晉師伐齊齊侯畏衆齊師夜追師曠曰鳥鳥之聲樂齊 乎詩云凡民有喪扶服敖之雖微晉而已天下孰能當 金月四月百十 鄭楚師夜道鄭人將奈桐邱誤告曰楚幕有鳥乃止 察間

欠足口目 在 先歸子期問馬對日其行速過險而不整速則失志不 薄人於險無勇也乃止春師夜近 晉侯將伐鄭鄭人聞有晉師使告於楚姚句耳與往楚 趙穿當軍門呼曰死傷未收而棄之不惠也不待期而 使者目動而言肆懼我也將追矣簿諸河必敗之胥甲 曰兩軍之士皆未愁也明日請相見也晉大夫史縣曰 子救鄭司馬將中軍令尹將左右尹子辛將右姚句耳 秦伐晉取羁馬晉師禦之出戰交綏秦行人夜戒晉師 武編後集

夫二家雖恩不棄美利而倍約為難不可成之事其勢 電生電人馬相食城降有日矣而韓魏之君無喜志而 重少世月有重 之反也韓魏之君曰夫勝趙而三分其地令城將勝矣 智伯從韓魏之兵以攻趙圍晉陽之城而流之城不沒 整喪列志失列喪將何以戰差果敗 有爱色是非反何也明日智伯謂韓魏之君曰疵言君 知之締疵曰夫勝趙而三分其地令城未沒者三版沈 者三版絲疵謂智伯曰韓魏之君必反矣智伯曰何以

というるという 命使途傳之稀果下與途語途曰太祖神武先附者受 大賞稀乃降途入稀家拜妻子豨歡喜隨詣太祖 豫故不力戰遠欲挑與語儻可誘也乃使謂豨曰公有 來每行諸圍豨輒屬目視遼又射矢更稀此必豨計猶 魏張遼圍昌務於東海數月糧盡議引軍還曰數月以 攻趙也今居聽讒臣之言而離二主之交為君惜之智 伯敌殺絲疵絲疵逃韓魏之君果反 可見矣是疵必為趙説君且使君疑二主之心而解於 Ų 武編後集

高而色動必有奸計不可信也延不從相遇戰敗死之 後凉日光將吕延代乞伏乾歸大破之乾歸乃縱反間 兵皆契丹人伊都 謀誅西軍之在雲中者盡約雲中 **暗合遂質基妻子伊都有叛心約與京統軍及統軍之** 金將伊都遼人耶律烏舍之降金以為西軍之監軍久 稱泉潰東奔成紀延信而追之延司馬耿雅曰告者視 不遷常快快其軍哈勒津伊實其金牌大金疑其與林牙 河北燕京郡守之契丹漢兒令誅女真之在官在軍

包好四月全書

家事為舍日家事故非立馬叙又曰叙往事爲舍曰往 |許久又日話別鳥舍日亦非也話別之語無許久入日象 |烏合疑之命數騎追二人至詰日爾何人也曰伊都使 者天德知軍偽許之遣其妻來告時爲舍為西監軍自 等適立馬話及何事日問候鳥舍曰非也問候之語 -Ca.) 3 13 1 1.14.14 者以軍事指熊山者里統軍司考里亦契丹爲舍曰爾 雲中來燕微聞其事而未信田行數百里因獵居庸之 之東遙見二騎馳追交相遇於道立馬久談久而不去 武編後集

皆此類 之曰我知爾二人密議反者近有人密告伊都考里反期 事亦非立馬叙馳者詞窮面顫又且戰慄不已烏舍察 其言色兼素疑伊都考里皆契丹反覆之徒因以詐折 春秋時楚師傅於蕭還無社與司馬卯言號申叔展叔 其人謂爲舍果知不敢隱伊都之叛由是敗爲舍多計 於今日各有使至我故來此何果復得爾華夫何隱馬 隐 語

|動定匹库全書

1

起

又AL/日野 在1年日 明拒戰久之力屈被執賊將欽明至靈州城下令說城 吳申叔儀乞糧於公孫有山氏曰佩玉樂兮余無所繫 唐許欽明當出案部突厥點毀率眾數萬奄至城下欽 叔視其井則茅經存馬號而出之 曰目於智井而拯之若為茅經哭井則已明日蕭潰由 有之岩登首山以呼曰庚癸乎則諾 之旨酒一盛兮余與褐之父脫之對曰梁則無矣麤則 展曰有麥麴乎曰無有山鞠窮乎曰無河魚腹疾奈何 武編後集

魏牵招為鳥桓中郎將上奏言諸葛亮數出而北虜 為縣遠未之信也會亮時在祁山果遣使連結比能至 中早降欽明大呼曰賊中都無飲食城內有美醬乞 銀好四月白書 比能控弦十餘萬騎狡猾能相交通表為防備議者以 升梁米乞一卧墨乞一挺是時贼營處四面阻泥河惟 掩襲城中無悟其旨者 路得入欽明乞此物以喻城中冀其簡兵練將候夜 本

威共收之伏威軍清流綸軍揚子相去數十里子通 **吡陵時杜伏威據歷城陽陵據江都李子通據海陵俱** 言毛文深獻策募江南人詐為綸兵夜襲伏威營伏威 質求救於法與及伏威法與使其子給將兵数萬與伏 沈法與既克毗陵謂江淮之南指揮可定自稱梁王都 能已還漢南 故北地石城與相首尾帝乃詔招使從便宜討之時比 有規江表之心法與軍數敗會子通圖稜於江都稜送 7 納

欠三日五十三十二

武納後集

五五

家口將克賤者宜括取送還仍加賜齊即是明其枉旋 使 攻 金月四月月雪里 賀凫所破屬其妻子漢兵有於賀魯諸部落得泥熟仗 磨蘓定方討賀魯嶭仁貴上疏曰臣聞 兵出無名事故 伏威亦引去 怒復遣兵襲綸由是二人相疑莫敢先進子通得盡鋭 不成明其為賊敵乃可服令泥熟杖素悍不服賀魯為 江都克之稜奔伏威子通入江都因縱擊綸大破之 百姓知賀是賊知陛下德澤廣及也高宗然其言使 卷二

李希烈希烈僭號欲臣制諸叛聚心稍離自奉天下罪 武俊合從擊此武俊雖許之然尚猶豫抱真乃以數騎 唐德宗時朱此朱滔王武俊兵反此既汙宫闕庫城附 抱武俊哭涕泗交下武俊亦哭感慟左右又於武俊帳 於數城之間乃捨九葉天子而臣反屬乎因言及播越 徑入武俊管謂曰朱泚希烈僭竊大位足下不能自振 巴詔赦羣賊昭義帥李抱真先遣門客贾林以文義説 括泥熟家口悉送還之於是泥熟等請随軍效死 9 武編後集

欠.1日巨 Elmin

至大

時至汝帳下汝能為我取賞樣丹首乎厮敦愕然應戶 曹瑋在西陲西羌将舉事必先定約束號為立文法角 中酣寢久之武俊感其不疑結為兄弟而朔明日合戰 金好四屋石書 吾父何所欲使欲吾首猶可斷以獻璋曰我知賞樣丹 厮耀使其舅赏樣丹與厮敦立文法於離土族謀內冠 八破朱滔 陰結厮敦解實帯予之厮敦感激求自效問謂瑋曰 餘日果斷其首來

为己四年七十 馬於蘭會斷古渭境盡服南山生羌西築武勝遣兵時 青唐不能克萬一克之必併兵南向大掠秦渭之間收 南至於洗河關都皆故漢郡縣所謂湟中治聖大小榆 所及各不過一二百里其熱宣能與西人抗哉武威之 今哨氏子孫唯董禮粗能自立賠征欺巴溫之徒文法 掠洗河則隴蜀諸郡當盡驚擾瞎征兄弟其能自保耶 夏當先復河湟則夏人有腹背受敵之爱夏人比年攻 王韶詣闕上平戎策三篇其略以為西夏可取欲取西 • 武編後集 桑七

抱罕 所連結策之上也 差盛為諸羌所畏若招諭之使居武勝或渭源城使斜 喻氏歸則河西李氏在吾股掌中矣且唃氏子孫寤 州李士彬環州慕恩耳為國有肘腋之助且使夏人無 合宗黨制其部族習用漢法異時族類雖盛不過一 此正可并合而兼撫之時也諸種既服所氏敢不歸 師道 土地肥美宜五種者在馬幸令諸羌瓜分莫相統 知渭州督諸道兵城席章上 |賦工敵至 堅壁前 延

金ダビルとつき

舉譬如盜入鄰家不能叔又東之而分其室馬無乃不 宋重貫謀伐無使种師道盡護諸將師道諫曰今日之 蘆河師道陳於河滸岩將決戰者陰遣偏將曲克徑出 計其首僅以身免卒城而還 仲 横嶺楊言接兵至敵方駭頗楊可世潛軍衝其後姚平 以精甲襲擊之敵大潰斬首五千級獲索馳馬牛萬 合交

武編後集

えナハ

可平貫不聽既次白溝遠人課而前士卒多傷師道先

衞 度等自大名取洛相真定楊進王善丁進李貴等各以 令人持 不聽密劾其助賊王黼怒责為右衛將軍致 古今通義惟大國圖之貫不能對師道復諫宜許之又 好結豺狼之鄰基他日之禍謂為得計可乎救災恤鄰 叛本朝亦南朝之所甚惡也今射一時之利棄百年之 潘相等州道王再與等自鄭州直護西州陵寢遣 澤上奏曰臣欲乘此暑月遣王彦等滑州渡河取懷 巨挺自防 賴以不大敗遼使来請曰女真之 仕

|大足四軍全計 加掃湯如此則二帝有回鑒之期西河可以安帖矣願 發辯博之士西使 夏東使高麗諭以禍福必出助兵同 骨放歸田里疏入黃潛善等忌澤成功從中沮之澤歎 中與之業必可立致若陛下以臣言為不可用望賜骸 陛下早下還京之詔臣當躬胃矢石為諸將先則我宋 遣使聲言立契丹天祚之後講吾舊好以携敵情遣知 啻百萬契丹兒亦必同心雖珍金人事方就緒乞朝廷 所領兵分路並進既渡河則山寨忠義之民相應者不 Ţ 武編後集

兵固堡以待王師李通等舉衆來歸金人動息山川險 岳飛令梁與等布德意招結兩河豪傑山岩革銓等 計 |韓世忠移屯山陽遣間結山東豪傑約以緩急為應宿 金与山方人 震動世忠謂機不可失請全師此討招納歸附為恢復 州馬秦及太行羣盜多願奉約求者金人廢劉豫中原 日吾志不得伸矣因憂鬱成疾 時皆得其實盡磁相開德澤路晉絳汾限之境皆 怎二

次2日華白 道路 兵勿用且機靖無通交趾使朝廷卒用青計策人亦服 外以除內寇非我利也以一智高橫踩二廣力不能討 余靖言交趾乞會兵討賊而朝廷久未報智高交趾叛 者宜聽出兵母阻其善意朝廷從其請狄青奏假兵於 挽車牵牛載糗糧以餽義軍頂盆焚香迎送候者充滿 乃假兵蠻夷貪得忘義因而起亂何以禦之願罷交趾 期日興兵與官軍會其所揭旗以岳為號父老百姓爭 武編後集 夲

火弩射之一旦可盡遂攻之城潰仍城華谷置戍而還 是月周又遣將攻邊斛律光先率軍禦之韶亦請行五 會於南道令斷其要路殺不得來城勢雖高其中甚狭 齊武平中周師来冠以段韶斛律光拒之行建西境有 青有遠略云 金岁以后白雪 栢谷城者敵之絕險古城千仞諸將莫肯及圍韶曰汾 北河東世為國之有岩不去栢谷事同痼疾計彼援兵 攻

少包里在馬 出長恭乃設伏其夜果如策伏兵擊之大潰 唐侯君集代高昌率兵至柳谷侯騎言其國王文泰尅 陽屠其外城時韶病在軍中謂關陵王長恭曰此城三 粉欲攻其新城韶曰此城一面阻河三面地險不可攻 之使人潛渡河告姚襄城中內外相應進戰大破之諸 面重澗並無走路惟應東面一處耳賊若突圍必從此 不如更作一城建其要道破服泰併力圖之從之從圖定 月到服秦城西仍於姚襄城南更起城鎮部抽壯士襲 武編後集 六十二

屬其男女七十餘口仍進 兵圍其都城 代宗時土蕃與諸雜羌戎冠陷西山柘静等州詔嚴武 碎或張寶被用障抛石城上守陴者不復得立遂拔之 撞車撞其睥睨拋車飛石擊其城中其所當者無不聚 師也於是鼓行而前賊嬰城而守先是大軍之祭也上 慢無禮使吾恭行天野今襲人於爐墓之間非問罪之 金发四人人 召上東善為攻城器者悉遣從軍君集遂利木填隍推 日将葬國人咸集諸將請襲之君集曰不可天子以髙昌騎

大旦日日八六百 成都以跨士衆 千成陽劉城緣河數十里列柳相望晉王急攻皆陷之 晉王存勗 次賊城周圍皆石礫攻具無所設惟東南隅環丈之地 拔其城因拓地数百里下城寨数四番聚相語曰崔昕 壞土可穴誤知之以告肝晝夜穿地道以及之再宿而 收復武遣崔肝統兵西山肝善撫士卒皆願致死命始 神兵也將更前進以糧盡還武大悦裝七實攀迎肝入 如魏州視河水已堅引步騎稍度梁甲士三 ų 武編後集

龍人不敢近將士疑畏珙召麾下飲再行曰柴潭非 日拔之 楼俘其将士五百三十有七人蔡人恃潭為固外即汝 金人又飾美婦人以相盛麾下張禧等殺之遂拔柴潭 孟珙與日命諸將奪柴潭棲金人争楼諸軍魚貫而上 進攻楊劉城使步卒斬其鹿角設章塞塹四面進攻即 河潭高於河五六丈城上金字號樓伏巨弩相傳下有 '地設樓伏弩能及遠而不可射近彼所恃此水耳决 なニ

金员四届全書

往斬敗軍全隊爾其內以食故欲降者東珙下令諸軍 夕己の 見という 其楚班遣道士說止之端平元年正月平丑黑氣壓城 築兩限首耳鑿其兩異可也潭果決實以新達逐濟 且聽以老弱互食諸軍日以人畜骨和片泥食之又往 上日無光降者言城中絕糧已三月鞍鞾敗鼓皆靡煮 攻城擒其兩將斬之獲其殿前右副點檢温端磔之城 下進逼土門金人驅其老稚獒為油號人油砲人不堪 而注之涸可立待皆曰踶堅未易鑿珙曰所謂堅者 武編後集

多片四月全書 略歸毫陳蔡北道出汴東戰船浮於河水陸並下略曹 察罕圖復汴梁以大軍次虎牢先發遊騎南道出汴南 寶玉真小室環以草號泣自經曰死便火我烟焰未絕 **珙與布展分守緒骨得金寶玉帯金銀印牌有差 条政張天綱以歸珙問守緒所在天綱曰城危時即** 帥鳥凌阿及偏裡二百人開西門招布展入江海執其 街枚分運雲梯布城下已西珙的師向南門至金字 列雲梯令諸將聞鼓則進萬衆競登大戰城上殺其元 客二 取

宗哲賽音巴哈關保等議各分門而攻至夜將士鼓勇 賊自是益不敢出課知城中計窮食且盡乃與諸將賀 戚出争之弱卒伴走薄城西因突鐵騎縱擊悉擒其聚 追伏兵鼓躁起邀擊敗之又令弱卒立柳外城以餌賊 夜伏兵城南旦日遣皆軍跳梁者略城而東賊傾城出 花管諸将環城而壘賊屢出戰戰斬敗遂嬰城以守乃 瑜黄 河俱會汴城下首奪 其外城察 字自將鐵騎屯杏 南據黄陵渡乃大餐秦兵出函關過虎牢晉兵出太行

改定四軍全事

武編後集

两州南界山中增置保戍以扼其衙且為内屬番部之 方古鎮賊所窺観之地存之可依以破賊并請於銀夏 李繼隆在西陸會密詔廢夏州黎其城繼隆奏以為朔 易肆不旬日河南悉定 登城斬關而入遂拔之劉福通奉其偽主韓林兒從數 日からてんい 百騎出東門走屯安豐獲偽后及賊妻子數萬偽官五 符重印章實貨無真全居民二十萬軍不敢私市 宁

障敝而斷賊之糧運皆不報 种世衛為鄜州從事夏戎犯延安世衛建言延安東北

致河東之栗右可固延安之勢此可圖延銀夏之舊有 二百里有故寬州請因其廢壘而與之以當寇衝左可

我落曾不畏憚與兵民暴露數月且戰且城然處險無 泉議不可守鑿地百有五十尺始至於石工徒拱手曰 是三利朝廷從之以世衛董役事世衛膽勇過人雖逼

灰色日草 在官司 是不可井矣世衡曰過石而下將無泉耶爾其屑而出 武術後集

4

た

金月巴尼 之由是人人皆能射胡首私慕思部落最强世衛皆無 多其銀重輕如故而其的漸遠且小矣或争徭役優重 僧道婦人亦習之以銀為射的中者與之旣而中者益 廷署故寬州為青澗城世衡初至青澗教吏民習射雖 而用之嘗夜與慕恩飲出侍姬以佐酒旣而世衛起 亦使之射射中者得優處有過失亦使之射射中則釋 人歡呼曰神乎雖屬兵重圍吾無困竭之患矣旣而朝 一备價百金工復致其力過石數重泉果沛發萬

潛於壁隙窺之慕恩竊與侍姬戲世術處出極之慕恩 建白城中易錢糧幣軍需城守之具皆不須外計 幸也故功多而費寡建營田二千頃歲收其利募商賈 使通其貨或先貨之本速其流轉歲時間其息十倍乃 擊之往必破走前後取首級數百牛年萬計未當勞士 遠距無定河北有虜塞虜常濟河為患世衡數使屬美 力諸部有貳者使慕思討之無不克青澗東北一舎而 慚愧請罪世衝笑曰君欲之耶即以遺之由是得其死

シショ 東全書

~

武编後集

| 險来關 經晷使 自給在青澗為屬吏所訟不法事按驗皆有狀即 耳水已等族初差保險諸將謀置陣平地韶曰賊不 王韶守熙河引兵城渭源堡及乞神平堡破蒙羅角抹 法則邊將無所措手足詔勿問及徙知環州將行別 j 林邦山壓敢軍而陣令日敢言退者斬賊乘高下關 拜且泣日世衡心腸鐵石也今日為公下淚矣 魔籍奏世衡披荆棘立青澗城若! 則我師必徒歸今入險地當使險為吾有乃徑 拘以 延 含 路

飯定四庫全書 疾馳登山賊衆亂棄山而下騎圍之賊呼丐命飛令勿殺 環水止一徑可入飛列騎山下令皆持滿黎明遣死士 岳雅拒賊於江西固石洞賊彭友悉聚至雩都逆戰躍 瞎樂等與戰破之遂城武勝建為鎮洮軍 别將由竹牛嶺路張軍聲而潛師越武勝遇瞎征首領 帳而還洗西大振會賠征度兆為之援餘黨復集韶戒 馬馳突飛塵兵即馬上擒之餘首退保固石洞洞高峻 小却韶躬擐甲胄麾帳下兵逆擊之美大潰焚其廬 武編後東

力争不從令璘在遠不及知臣若不言非獨負陛下亦 楊存中隆與二年金人再入關議割蜀之和尚原以昇 選士卒千取百百取十戰被重鎧登山攻險每一人前 受其降 睥睨漢川我得之則可以下兵秦雍曩議予金人吳璘 有愧於璘近者王師盡銳而後得願母棄金人攻蜀所 之存中入對日和尚原隴右之藩要也敵得之則可以 人推其後前者死後者被其甲以進又死則又代

設定四車全書 |董搏霄建議於朝曰淮南為南襟喉江淮要衝之地其 地一失兩淮皆未易復也則救援淮安誠為急務為今 兵以利動令地勢不利未見其利宜擇高阜據之使不 軍遂大潰 何用他徒已而敵驟至與柴囊土籍淖平行進簿孙營 張浚合五路兵次富平都統制又會諸將議戰吳孙曰 之其為必取計如此 勝諸將皆曰我衆彼寡又前阻章澤敢有騎不得使 武編後集 卒八

諸路民為兵勝躍曰此其時也聚義士三百北渡淮取 弓箭手紹與三十一年金人將南侵聚獨糧造器械籍 魏勝字彦威淮陽軍宿遷縣人多智 勇善騎射應募為 善戰者所以自為不可勝以待敵之可勝也 則并力野戰無事則屯種而食然後進有援退有據此 十里又設一小砦使斥堠烽燧相望而巡邏往来遇城 抵沂苔贛榆諸州縣布連珠營每三十里設一總砦三 日計莫岩於黄河上下弁瀕淮海之地及南自沭陽 守勝整軍與安仁父子戰熊門內殺安仁及州兵千餘 楼餘自門入莫有樂者獨文富與其子安仁率牙兵拒 寛大爱民之意城上民聞之即開門勝遣勇鋭者登城 又遣人向諸城門諭以金人棄信背盟無名與師本朝 一守驅民上城禦之勝令城外多張旗職舉烟火為疑兵 之追至城下衆驚傳水陸悉有兵城中大恐文富閉門 取海州郡守渤海高文富聞勝起遣兵来捕勝迎擊走 水軍宣布朝廷德意不殺一人連水民翕然以聽遂

大己の目という

•

武編後集

急周山為營勝度其必復攻海州因間出岩越城中 |若中食乾精殺牛馬飲血勝點轉而雨驟作金人攻益 面攻勝募士登城以禦矢石如雨者七日金兵死傷 人果解蒼山圍自新橋抵城下勝出戰皆捷金分兵四 之馬中矢路步而入岩無敢當者金人又急攻絕其水 知其為将也以五百騎圍之數重勝馳突四擊金兵追 赴岩金人襲之勝單騎而殿以大刀奮擊金人望見勝 |擒文富民皆安堵勝權知州金人多伏兵勝兵遇伏皆

金好四月有言

寶亦駐海州為進取計金人復遣為津太師祭諸路兵 灰色四草白馬 獨率兵追北二十里至新橋又破之盡獲其鞍馬器甲 寶軍大破之斬首不可計堰水為之不流餘悉奔潰勝 敵至州始遣忠義将朱震褚道語行在白勝姓名於執 改海州時寶帥海州水陸並進抵城北砂巷勝率衆合 政始知勝之功馬金人遣山東路都統總管以兵十萬 朝廷尚未知沿海制置使李寶遣其子公住由海道規 過去勝當出戰天中鼻貫齒不能食猶親架戰勝起義 1 武編後集

呼號動地城中亦懼勝入城諭以財勢退怯之狀固守 大至皆欲入城統制郭蔚閉城門不納人民牛馬蔽 復發兵金兵盛集勝力拒之自旦至暮金兵不能奪勝 令步卒整隊前行自為殿時百姓以實既登舟懼金兵 人餘皆通去下令守險勿追報實實以防海道登丹不 還語千人備險隘金兵十萬来奪勝率泉鏖戰殺數千 金少正是有書 擇勇悍士三千餘騎拒於石閮堰金軍不能進建夜始 二十萬来攻海州先遣一軍自州西南斷勝軍的道勝 野

をとりし いけ 寶寶以聞還報城中已命張子盖率兵来解圓金人亦 俟其不備掩擊或獨出擾之使不得休息人間夜餐兵 金兵竟不能近於是罷攻脩營壘絕河道謀為固守勝 **刧其營或焚其攻具既而金人併力急攻勝告急於李** 其近城鳴鼓張旗矢石俱祭繼以火牛金液凡三晝夜 與郭尉分兵俸架偃旗息鼓寂若無人金人驚疑數日 不敢攻已乃植雲梯置砲石四面合園負土填壕隊俟 可保無虞乃開門盡納之居無何金兵環城圍數重勝 1 武編後集

御前同統制魏全来守海州督府亦造買和仲充山東 山東路忠義軍都統制仍知海州隆與元年詔以鎮 督張淡在建康招勝詢以軍務轉問門宣贊舎人差充 隨王師出勝親邀於道而議之至連水軍與偕還時都 金好四屋全書 大戰斬首不可計追數十里餘兵皆遁勝與子盖議進 與子盖議戰事且促其步卒勝出軍城北砂巷與金軍 知子盖軍且至已有退意項之子盖先帥騎兵至勝出 討子盖曰受詔解圍不知其他遂率軍還城中疑懼欲 卷二 江

害 **一级定四庫全書** 受敵最劇勝築重城圍山在內超至則先據之不能 城西南批孤山賊至登山瞰城中虚實立見故西南 總管都督府統制建康府駐之既而督府知和仲所誣 罷之復勝舊職勝既還海州鎮撫一方民安其政海州 督惑之呼勝至鎮江計事罷其職改京東路馬步軍 誘忠義軍使不安勝與群是非和仲又邊勝於都督都 河北路招撫使節制本路軍馬海州駐割和仲忌勝陰 武編後集 とさ 副

生兵踵至人披重鎧鐵釣相連魚貫而上璘以駐隊 間左紫右繞隨機而發戰人璘軍少憊急屯第二隘 金分軍為二烏珠陣於東韓常陣於西璘率銳卒介其 營玠擊走之又以雲梯攻壘壁玠使人以撞竿碎其梯 倍道而至與金兵轉戰七晝夜始得與孙合敵首攻孙 以長矛刺之璘拔刀畫地謂諸将曰死則死此退者斬 道循領東下孙以萬人當其街弟璘率輕兵由七方關 吳孙守蜀烏珠及劉夔奉十萬騎入侵自鐵山鑿崖開 金

たれ.可臣 A.T. 副奮擊射韓常中左目金人始宵道 大出兵統領王喜王武率鋭士分紫白旗入金營金 展率兵以長刀大斧左右擊明炬 絁 曰吾得之矣命攻西北棲姚仲登樓酣 选射矢下 內諸軍景卒既至百姓競入公私混亂無復次序 侯景反陷歷陽至新林帝使羊侃 挽之復正金 如雨死者層積敵踐而登薩里罕駐馬四 人用火攻樓以酒在撲滅之玠急遣 武编後集 四山震鼓動 入副宣城王都 戦樓 丰 傾以帛為 地 眀 督 陣 視 H 日

所 焚之俄盡賊人 石所不能制 不受部曲千 乃退有詔送金五千两銀五千兩絹萬疋 懼 多好四月全書 乃區分防 賊攻東掖 侃 司 不能禁 偽稱得外射書云邵 礙皆以宗室間之軍人争入武庫自取 侃作 餘 門縱火甚盛侃以水沃滅火射殺數 侃命斬數人爭方得止及賊逼城衆皆 人並私 又東西築二土山以臨城城 維尾炬施鐵鏇以油 冬二 加賞養賊為火頭木 陵西昌侯已至近路泉 灌之 賜 驢攻城 中 擲 戰士 震駭 馱 驢 侃 器 乃か 賊 辭 恟 甲

大牛 をこり声かいう 贼若多則一旦失利門隘橋小必大致挫衂不從遂使 故立長圍欲引城中降者耳令擊之出人若少不足破 張綰議出擊之帝以問侃曰不可賊多日攻城不能 艾欲臨射城中侃曰車高塹虚彼來必倒可卧而觀之 命為地道潛引其土山不能立財又作登城樓高十餘 千餘人出戰未及交鋒望風退走果以爭橋赴水死者 及車動果倒聚皆服馬賊既頻攻不捷乃築長圍朱异 武編後集 华四

殺之又於輕外積恭貯火敢人有在地道內者便下柴 中曰縱爾縛樓至天我會穿城取爾遂於城南鑿地道 志圖西入以王壁衝要先命攻之連營數十里乃於城 截其地道仍簡戰士屯城外塹上每等至塹戰士即擒 寬更縛木接之令極高峻多積戰具以禦之歡使謂城 南起土山欲乗之以入當其山處城上先有兩高樓孝 又於城北起土山且作且攻畫夜不息孝寬復掘長塹 西魏將韋孝宽守王壁時東魏大将高數傾山東之衆

金好四月全書

孝寬又隨崩處監木栅以扞之敬不能入城外盡其攻 中各施梁柱作記以油灌柱放火烧之柱折城並崩壞 落城外又於城西面穿地作三十一道分為四路於其 復作長鐵鈎利其鋒刀火竿既来以鉤遙割之松麻俱 城外又縛松於竿灌油加火規以燒布并欲焚樓孝寬 慢隨其所向則張設之布既懸於空中其車竟不能壞 之所及其不摧毀雖有排植其之能撓孝寬乃縫布為 火以皮構吹之火氣一衝成即灼爛城外又造攻車車

東記日本在日日

武編後集

孝徵乃射募格於城中云能斬城主降者拜太尉封 適憂爾東有不測之危我關西男子必不為降將軍也 擊之術孝寬咸拒破之歡無如之何乃遣倉曹參軍 斬高歡者一 有食餘攻者自勞守者常逸豈有旬朔之間已須救援 孝徵謂曰未聞救兵何不降也孝寬報云我城嚴固兵 公邑萬戶賞帛萬疋孝寬手提書背反射城外云若有 下臨以白刃云岩不早降便行大戮孝寬慷慨激揚略 依此賞孝寬弟子遷先在山東又鎖至城 郡

悉衆苦攻思政身當矢石與士卒同勞苦岳乃更脩堰 城時有怪獸每衝壞其堰然城被灌已久多亦崩壞岳 兩土山置楼堞以助防守高澄更益缶兵堰洧水以灌 土山又射以火箭燒其及具仍募勇士縋而出戰據 飛梯火車盡攻擊之法思政亦作火稍因迟風便投之 魏王思政守頳川東魏太尉高岳来攻築土山以臨城 五智力俱困因而發疾夜逝去後因此遂卒 無顧意士卒莫不感勵歡苦戰六旬傷及病死者十四 きた

誠知般卿無益然人臣之節守之以死乃流涕斬之思 紹宗窮迫赴水而死豐生浮向土山復中矢而斃擒求 作鐵龍雜獸用堰水神堰成水大至城中水泉湧溢懸 政初入頳川士卒八千人被圍既久城中無鹽腫死者 珍并獲船中器械思政謂永珍曰僕之破亡在於晷漏 為開共東樓船以望城內合善射人俯射城中俄而大 釜而炊糧力俱絕慕容紹宗劉豐生及慕容永珍意以 風暴起船乃飄至城下城上人以長鉤牽船弓弩亂餐

飯定四庫全書

受敵時天下騷動北邊數有警急乃引晉水架汾而 唐馬燧鎮太原燧以晉陽王業所起度都城東西平易 城多為池沼植柳 城之東豬以為池冠至計省守門者萬人又決汾 十六七及城陷之日存者幾三千人雖外無救援亦無 足之地遂被擒高澄義而禮之 功築堰時盛夏水壯城北面遂壞頃之水便益湍無措 叛者高澄乃率步騎十萬来攻自於堰下督勵士卒增 j 以固堤太原承前政鮑防敗軍之後 武編後集 华七 注

都定匹庫全書 顧失色帝召渾瑊勉諭之令齎空名語身自御史大夫 負土運薪於其下以填壞輕矢石不能傷城中胸 障直指城東北 唐朱沘亂德宗幸奉天數日賊軍至造雲橋成問數丈 汉 卒教之數月為精騎造甲者令為長短三等稱其所衣 兵甲寡弱燧乃悉召将吏牧馬厮役得数千人悉補 便進趨 巨輪為脚 推之使前施濕種生牛華多懸水囊以為 隅两旁構木為廬胃以牛 起二. 皮廻環相屬 懼 騎 相

|戒但感激試 勵之以餓弱之衆當劇賊之鋒雖力戰應 城揣雲橋來路先鑿地道下深大餘上積馬糞深五六 之不足者筆書其身因命以位撫城背而遣之前一 當之兼賜城御筆一管當戰勝量其功伐即著其名授 沙 足四華 全等 焰高於城壘是時北風正急賊乃隨風推橋以薄城下 實封五百户已下者千餘軸募諸軍突將敢死之士以 尺次二日即令熱火次一日復下柴薪夜燒之平明火 武編後集 日

昌裔追止之日弱後既受詔宜以死守城况城中士馬 吳少誠攻許州上官院知節度監後欲棄城走判官劉 圍去 敵人憂不濟公卿以下仰首祝天賊徒至地道所橋 足以破贼但堅壁不戰不過五七日賊勢必衰我以全 食いプロス 陷不能進須臾風廻轉焰雲橋焚為燼灰賊焚死者數 城中歡課張地時城中流矢處自拔之血流霑足格 不已不言瘡痛以激士心既而李懷光大軍至賊解 巷 脚

次是四軍在動 遣牛全節救之時晉人新勝其鋒甚盛存節引軍而前街枚 又以勁弩射之中者人馬皆洞經十三日晉軍死傷甚 以入城存節亦以隧道應之逆戰於地中晉軍不能進 夜至澤州晉軍尋至乃分布守樂晉軍四面攻關開地道 五代深軍敗於上黨晉人乘勝進迫澤州河南留守張全義 大破之因立戰棚木棚於城上以故不陷 戰棚木柵以代之募壯士破營得突将千人鑿城分出 制之可也说然之城日夕攻急媒壤不得脩目裔令造 9 武編後集

弟 據城泉擊破之執指歸巢從後至開楷被執大怒旣而 黄巢陷長安趙犨為陳州刺史謂諸将吏曰以吾計巢 泉焚營而退郡以獲全 金がんとうたくコー 泰宗權以蔡州附巢巢勢甚盛乃悉衆圍犨置舂磨縻 乃治城池為守備遷民六十里內者皆入城中選其子 不為長安市人所誅必驅其衆東走吾州適當其衝矣 人之肉以為食陳人恐犨語其下曰君家三世陳將必 配以兵甲以其弟泉母為將巢敗果東走先遣孟楷

解圍去 くこうシ 将盡乃乞兵於梁梁太祖與李克用皆自將會擊敗果 激五百步人馬皆洞以故樂不敢近圍凡三百日犨食 **弩數百條壞後生弩工皆不識其器羽創意理之弩矢** 將黃鄴於四華西華有積栗巢恃以為飼鄴又敗巢乃 能保此爾曹男子弟當於死中求生建功立業未必不 百官聚餉糧欲以久附之其兵號二十萬陳人舊有巨 因此時陳人皆踴躍巢柳城北三里為八仙管營問置 9.11 武編後集

潛行入城故以竿觸網敵聞鈴聲舉網福因得過凡居 淮南人不能克吳越王鏐遣牙內指揮使錢鏢行軍 竿首垂絙投錐以揭之攻者盡露礙至則張網以拒之 淮南兵圍撫州推洞屋攻城吳越將臨海孫琰置輪 多足匹库全書 水中三日乃得人城由是城中號全與援兵相應敵以 鈴懸水中魚鼈過皆知之吳越游奕都虞候司馬福飲 使杜建徽等将兵故之蘓州有水通城中淮南張網綴 巻: 於 副

人二丁戶八二 深患之而地入於齊無方誅剪欲當要處置一大城乃 後周韋孝寬在汾州屬生胡抄掠居人阻斷河路孝寬 書斬其使者城中固守 經年晉王率周德威等来攻梁 覺酣飲如故以安士心梁祖馳書說誘百端嗣昭焚其 城拒守嘗饗士嗣昭張樂流矢中足密拔之坐客不之 夹城深滿高壘內外重複飛走路絕嗣昭撫循士泉登 晉將李嗣昭守潞州汴將李思安將兵十萬攻之乃禁 軍梁兵大潰嗣昭方開門 武編後集

色懼以兵少為難孝寬曰計成此城十日即畢旣去晉 於河西徵役徒十萬甲士百人遣開府姚岳監築之岳 **免员四月全書** 州四百餘里一日創手二日偽境始知設令晉州徵兵 在縱火齊人謂是軍營遂收兵自固版築克就卒如其 乃停留不進其夜又令汾州以南傍介山稷山諸村所 城隍足得辦矣乃令築之齊人果至南旨疑有大軍 日方集謀議之間自務三日計其軍行三日不到我 签二

張仁愿為朔方軍總管先是朔方軍北至突厥以河為 軍士不十日至塞下未三旬而工畢養人始知已無奈 大與兵即或蕃来冠冠則戰戰則無暇城矣今請密發 其地以備之詔問所須幾何朝晟奏曰臣部下兵自可 唐貞元中楊朝晟奏方渠合道水波皆吐蕃要路請城 何上從之己事軍還吐蕃始来數日退 也朝晟曰監州之役諸軍蕃式盡知之今臣境邊廣若 集事不煩外助復問前菜鹽州凡與師七萬今何其易 武编後集 全二

各四百餘里皆據洋濟遙相應接北拓地三百餘里於 六旬而三城俱就以拂雲祠為中城與東西兩城相去 贼虜所有建議以為不便仁愿固請不已中宗竟從之 城首尾相應以絕南冠之路太子少師唐休景以為西 漢已來皆北守黃河今於區境築城恐勞人費功終為 界河北岸有拂雲神祠突厥将入冠必先詣祠祭酬求 施葛娑仁愿請乗虚奪取漢南之地於河北築三受降 福因收馬料兵而後渡河時突厥嘿吸盡衆西擊突厥 卷二

我以四月 白書

午 劉昌為涇原營田使躬率士衆力耕三年軍食豐羨受 備寇議者以此重仁愿而輕元楷馬 退愿之心也其後常元楷為朔方軍總管始築壅門以 則當併力出戰迴顧望城猶須斬之何用守備則生其 L 不為守備何也仁愿曰兵貴在攻取不宜退守冠若至 不置壅門及格曲戰敢之具或問曰此邊城禦賊之所 牧馬朔方無復寇掠減鎮兵數萬人仁愿初建三城 頭朝那山北置烽埃一千八百所自是突展不得度

盜日 一級定四庫全書 隋時突厥入寇隋將楊素擊之先是諸將與虜戰每處 要害處置堡柵斥埃嚴密人遂獲安 **范希朝為振武節度使有党項室韋交居川阜凌犯為 岛名神龍城吐蕃屏跡不敢近青海** 地之要分兵援戍遏其要衝築神威軍於青海中龍駒 詔築城平凉以扼彈筝峽口昌命從事旬餘而罪又於 平京西别築胡谷堡名曰彰信平京當四會之衝居北 入愿作謂之刮城門居人懼駭鮮有寧日希朝於 X

出身

灰色可報 在上司 者則已如不陷陣而還者無問少長悉斬之又令二三 素謂人曰此乃自固之道非取勝之方也於是悉除舊 盈前言笑自若及其對陣先令一二百赴敵陷陣而還 臨冠求人過失而斬之多者百餘人少不下十數流血 然大抵馭戎嚴整有犯軍令者立斬之無所寬貸無將 萬而至素奮擊大破之素多權畧乗機赴敵應變無方 法令諸軍為騎陣突厥頭可汗聞之大喜率精騎十餘 胡騎奔突皆戎車步騎相參昇鹿角為方陣騎在其內 武編後集

遠道欲追則人馬之食將守則地無堅壘賊輩未平臣 言賊居沙磧中逐水草收畜無定居便於戰關利則進 何顏以見陛下太宗善之出御劍以賜又遣使撫勞至 宋五路討李繼遷以李重貴為麟府都部署得對殿 多月でた 台書 不利則走今五路齊入彼聞兵勢大或不來接戰且謀 不勝時稱名將 百人復進還如向法將士股慄有必死之心由是戰無 諸將果無大功 卷 因

這程守素率諸州屯兵往擊之值霖雨彌旬弓弩解弛 吏當人多與賊帥包漢陽交通既而得其書訊數百封 晓諭諸洞自是蠻人不摄三年梅山洞蠻恃險又叛詔 擊至邵州聞蠻酋包漢陽死去其居十里而陣大敗之 太平與國一年梅山洞蠻叛命田紹斌程守素分路掩 至交射之賊遂敗乗勝逐北盡平其巢穴先是數郡大 不堪挽明日將接戰守素一夕令削木為弩及旦賊奄 擒蠻二萬令軍取利劍二百斬之雷五千餘人進歸使

東之四重全書!

武納後集

孟

